



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1525. usque ad annum 1529

**Fleury, Claude**

**August. Vind. [u.a.], 1769**

**VD18 90118480**

§. 99. Diploma Pontificium a Ludovico Matthæi Socio impetratum.

---

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

Sæcul. XVI.  
A. C. 1526.

§. XCIX.

*Diploma Pontificium a Ludovico  
Matthæi socio impetratum.*

*Calusc. l. c.  
p. 81.*

Planxit Matthæus Franciscum carissimum socium ac confratrem suum, quem hoc anno præmatura mors vivis eripuit; ast hujus jacturam eodem tempore compensabat Frater Ludovicus, Sacerdos ex Ordine Fratrum Minorum de Observantia. Is erat vir religionis studio celeberrimus, qui primævam instituti sui disciplinam per universum orbem instaurari dudum exoptaverat; unde licet Provinciale huic proposito adversari nosset, nihilominus audacter ab eo petiit, ut illis, qui severiori disciplinæ nomen dare vellent, conventum concederet. Attamen non modo repulsam tulit, sed etiam carceri mancipatus est, a quo tamen paulopost ereptus, ad supremum Ordinis Ministrum ac Cardinalem Protectorem literas dedit, in quibus idem ab eis petebat; cum vero nil impetrare posset, unacum Fratre Raphaele Romam contendit, secum deferens epistolam Camerinesis Ducissæ. Porro summus Pontifex utrique alloqui copiam indulgit, simulque Laurentio Puccio Cardinali Episcopo Prænestino ac magno Pœnitentiario negotium dedit.



Sæcul. XVI.  
A.C. 1526.

dedit, ut diploma conficeret, quo eis venia daretur, ut invitis etiam illorum Superioribus, extra domos, ac Ordinis sui monasteria in quadam Eremo libere commorari possent, ac retento eorum habitu regulam observare, ex fidelium eleemosynis vivere, ac denique cunctis gratiis & privilegiis, quæ illis concederentur, quiete frui valerent; simulque prohibuit Pontifex, ne ullo pacto iisdem molestia aut injuria inferretur, huncque in finem omnes sententias contra eos latas omnino irritas declaravit. Dabat die decima octava Maji Anno a Nativitate Domini millesimo quingentesimo vigesimo sexto.

Hoc diploma Ludovicus suo Provinciali exhibuit, qui tamen fratrem suum acriter reprehendebat; cum vero literas Apostolicas revocari nequicquam niteretur, a Sacra Pœnitentiaria Romæ diploma sibi concedi petiit, vi cujus ei contra quosdam fidei desertores ex Ordine suo agere liceret; equidem sub hoc transfugam nomine Matthæum, Ludovicum, ceterosque, qui reformationem amplecti cupiebant, comprehendi intellexerat, studiose tamen eorum nomina silentio preffit; unde rationem facti falso exponens, facile petitum diploma obtinuit, quo fultus suos convocabat Religiosos, atque ab eis, quid in præsentis rerum statu



Sæcul. XVI. tu agendum, sententias rogabat. O-  
A C. 1526. mnium una vox erat, Ludovicum ejus-  
 que socios comprehendendos, ac carce-  
 ri dandos esse; verum hi tempestive  
 fuga elapsi sese ad Eremum Cryptarum  
 receperunt. Cum autem nec ibi a Pro-  
 vincialis infestationibus liberi ac tuti  
 essent, ad Legatum Apostolicum provo-  
 cabant, qui fratri Ludovico potenter  
 patrocinabatur, graviter commotus,  
 quod ipsemet a Provinciali tam nequi-  
 ter delusus fuisset. Nec tamen pro-  
 pterea vexationum finis erat.

§. C.

*Pauli Cortesii obitus.*

*Dupin. Bibl. des Aut. du XVI. Siecle tom. 14. p. 116.* **H**oc anno salutis millesimo quingente-  
 simo vigesimo sexto Respublica li-  
 teraria plurium Scriptorum Ecclesiasti-  
 corum mortem luxerat, atque inter eos  
 primus erat Paulus Cortesius natione  
 Italus & Protonotarius. Ignoratur e-  
 quidem certa obitus sui dies, id tamen  
 perspectum habemus, quod sub Pontifi-  
 catu Julii II. floruerit, eidemque libros  
 suos nuncupaverit. Merito ceterorum  
 primus habetur, qui in quatuor volu-  
 minibus, quæ in libros sententiarum e-  
 lucubraverat, quæstiones majori purita-  
 te, ac stylo elegantiori usus est; An-  
 no Christi millesimo quingentesimo qua-  
 drage-